

**Oqaluuserisassanut nassuiaat.**

(Inatsisartut Siulittaasuat)

Utoqqalinersiaqarneq pillugu inatsimmi akuerineqartumi (UKA2015/160) inatsisiliornermi teknikikut kukkunerup malitsigisaanik oqaluuserisassatut immikkoortumik nutaamik Naalakkersuisut nalunaaruteqarput.

Immikkoortoq 51-imik normulerneqarpoq. Imm. 51: Siunnersuut uunga: Utoqqalinersiaqarneq pillugu Inatsisartut inatsisaata nr. 20, 23. november 2015-meersup allanngortinneqarnera pillugu Inatsisartut inatsisaat nr. xx, xx.xx 2015-meersoq.

Siunnersuut tulleriissiinnarlugit siullermeerneqarlunilu, aappassaaneerneqarlunilu pingajussaaneerneqassaaq, taamalu aamma suleriaatsimi § 30-mi 31-milu piffissaliussanut killiliussat sanioqqunneqarnissaat akuerineqarluni. Siunnersuutigineqarpoq imm. 51 ulloq 1. december naammassillugu suliarineqassasoq.

Nunanut Allanut Sillimaniarnermullu Ataatsimiititaliaq qinnuteqarpoq oqaluuserisassani immikkoortut 65 aamma 90 aappassaaneerneqarnissaasa UPA2016-imut kinguartinneqarnissaannik.

Imm. 65: Illersornissamut isumaqatigiissutip 1951-imeersup kingornagullu ilassuteqartinneqartup qanoq isumaqatigiinniutigeqqinneqarsinnaaneranut kaammattuutunik saqqummiussisussamik Kalaallit/danskit allaffissornikkut ataatsimiititaliaannik pilersitsinissaq siunertaralugu danskit naalakkersuisuinut saaffigineqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni illersornissamut isumaqatigiissutit aammalu amerikamiut Kalaallit Nunaanni sakkutooqarnerat Kalaallit Nunaannut iluaqutaanerusinnaaqqullugit.

Imm. 90: Illersornissamut isumaqatigiissut 1951-meersoq tamassumalu kingorna tapiliussatut isumaqatigiissutit tassunga attuumasut nalilersuinerimik Inatsisartunut (imaluunniit tatigeqatigiinneq pillugu isertuussineq pisariaqassappat Nunanut Allanut Sillimaniarnermullu Ataatsimiititaliamut) UKA2016-imi saqqummiussinissaannik Naalakkersuisut peqquneqarnissaannik Inatsisartut aalajangiiffigisassatut siunnersuut. Naliliinerimik isumaqatigiissummi naalakkersuinikkut aningaasaqarnikkullu akuusut nunatsinnut qanoq pingaaruteqarneri nalilersorneqassapput, tamassumalu saniatigut Naalagaaffeqatigiinnerup iluani Namminersorlutik Oqartussat isumaqatigiissut malillugu pisinnaatitaaffiisa piginnaaneqarnerisalu erseqqissarneqarneri ilaatinneqassallutik.

**Ilaasortat uku akornanni taasisarnerit pillugit isumaqatigiissuteqartoqarpoq:**

Kim Kielsen, Siumut aamma Naaja H. Nathanielsen, Inuit Ataqatigiit  
Iddimangjiiu Bianco, Inuit Ataqatigiit aamma Jens-Erik Kirkegaard, Siumut  
Justus Hansen, Demokraatit aamma Aqqaluaq B. Egede, Inuit Ataqatigiit  
Tille Martinussen, Demokraatit aamma Hans Aronsen, Inuit Ataqatigiit  
Michael Rosing, Demokraatit aamma Ane Hansen, Inuit Ataqatigiit  
Poul Hansen, Demokraatit aamma Múte B. Egede, Inuit Ataqatigiit